



REPUBLIKA E SHQIPËRISË
BASHKIA POGRADEC
KRYETARI

Nr. 1288 / 23 Prot.

Pogradec, më 30 . 03 . 2026

Lënda: Dërgohet material për shqyrtim e miratim.

ZNJ. MANJOLA KAMOLLI
KRYETARE E KËSHILLIT BASHKIAK

E nderuar zonja Kryetare,

Bashkëngjitur po ju dërgojmë projekt-vendimin dhe relacionin shoqërues për: “Krijimin e tregjeve publike për tregëtimin e produkteve të ndryshme, në njësitë administrative Trebinjë dhe Proptisht”.

Me respekt,

KRYETARI

Ilir XHAKOLLI



Nr. i faqeve A4 të projekt-vendimit: _____

Nr. i faqeve A4 të relacioni shoqërues: _____

Nr. i fletëve të dokumenteve që shoqërojnë projekt vendimin: _____



REPUBLIKA E SHQIPËRISË
BASHKIA E POGRADEC
KËSHILLI

Nr. ____ Prot

Pogradec, më ____ . ____ .2026

PROJEKT – VENDIM

NR. ____, DATË ____ . ____ .2026

PËR

**“KRIJIMIN E TREGJEVE PUBLIKË PËR TREGËTIMIN E PRODUKTEVE TË
NDRYSHME, NË NJËSITË ADMINISTRATIVE TREBINJË DHE PROPTISHT”**

Në mbështetje të nenit 8, pika 2, nenit 9, pika 1/1.1 shkronja b, neni 23 pika 14, neni 28, pika 2 neni 54, neni 55, të ligjit Nr. 139/2015, “Për Vetëqeverisjen Vendore”, i ndryshuar, nenit 4/1 të Ligjit Nr.107/2014 “Për planifikimin dhe zhvillimin e territorit”, i ndryshuar; Vendimit Nr. 408, datë 13.05.2015 të Këshillit të Ministrave “Për miratimin e rregullores së zhvillimit të territorit Ligjit Nr. 9632, datë 30.10.2006 “Për Sistemin e taksave Vendore”, i ndryshuar; Vendimit të Këshillit Bashkiak Nr. 133, datë 11.12.2023 “Për miratimin e taksave dhe tarifave vendore në Bashkinë Pogradec”, Vendimit të Këshillit Bashkiak Nr. 105, datë 02.12.2021 “Për miratimin e rregullores “Për shfrytëzimin e hapësirave publike”, i ndryshuar, relacionit të Drejtorisë së Planifikimit, Kontrollit dhe Zhvillimit të Territorit, si dhe me propozim të Kryetarit të Bashkisë,

VENDOSI:

1. Të miratojë krijimin e tregjeve publike në njësitë administrative Trebinjë dhe Proptisht, në vendndodhjet e përcaktuara në hartën bashkëlidhur këtij vendimi, për ushtrimin e veprimtarisë së tregëtimit të produkteve të ndryshëm.
2. Për zbatimin e këtij vendim ngarkohet Drejtoria e Planifikimit, Kontrollot dhe Zhvillimit të Territorit.
3. Ky vendim hyn në fuqi 10 ditë pas shpalljes publike.

KRYETARE
Manjola KAMOLLI



REPUBLIKA E SHQIPËRISË
BASHKIA POGRADEC
DREJTORIA E TAKSAVE DHE TARIFAVE VENDORE

Nr. 1288 / Prot
123

Pogradec, më 30 . 03 . 2026

RELACION

Në lidhje me Projekt-Vendimin për "Krijimin e tregjeve publike për tregëtimin e produkteve të ndryshme, në njësitë administrative Trebinjë dhe Proptisht"

E nderuar Kryetare e Këshillit!
Të nderuar Këshilltarë!

Qëllimi i këtij propozimi është krijimi i tregjeve publike në Njësitë Administrative Trebinjë dhe Proptisht, për organizimin dhe formalizimin e aktivitetit të tregtimit të produkteve të ndryshme.

Krijimi i tregjeve të dedikuara do të sigurojë kushte të rregullta për tregtarët dhe konsumatorët, do të formalizojë aktivitetin tregtar dhe do të rrisë të ardhurat e bashkisë përmes tarifave përkatëse.

Kjo iniciativë pritet të ndikojë drejtpërdrejt në zhvillimin ekonomik lokal, duke mbështetur prodhuesit vendas si dhe duke rritur punësimin.

Në përfundim, propozohet miratimi i krijimit të tregjeve publike në këto njësi administrative, si një masë e nevojshme për zhvillimin ekonomik dhe administrimin më efikas të territorit.

Argumentimi ligjor mbi natyrën e aktit administrativ:

Aktet administrative sipas natyrës së aktit ndahen në:

- 1) *Akte administrative me karakter normativ*
- 2) *Akte administrative me karakter individual*
- 3) *Akte administrative me karakter kolektiv*

Sipas përcaktimit të nenit 13, pika 2, të ligjit 139/2015 "Për vetëqeverisjen vendore", i ndryshuar, "Vendimet, urdhrat dhe urdhëresat me karakter normativ të organeve të vetëqeverisjes vendore i nënshtrohen verifikimit të ligjshmërisë nga autoriteti i përcaktuar me ligj."



Po kështu, ligji 197/2016 "Për prefektin e qarkut", i ndryshuar, neni 4, pika 1, përcakton: "Akte me karakter normativ" janë vendimet, urdhrat dhe urdhëresat e organeve të vetëqeverisjes vendore, përmes së cilave shprehet vullneti i këtyre organeve në ushtrimin e funksionit të tyre publik, që u drejtohen subjekteve të papërcaktuara të së drejtës, me qëllim përcaktimin e normave të përgjithshme të sjelljes dhe që i shtrijnë efektet në mënyrë të vazhdueshme dhe jo të njëhershme brenda territorit të juridiksionit të organit të vetëqeverisjes vendore.

Më tej, ky ligj në nenin 8, shkronja "a", përcakton se është përgjegjësi e Prefektit, verifikimi i ligjshmërisë së akteve me karakter normativ të organeve të vetëqeverisjes vendore.

Nga sa më sipër, organet përgjegjëse pranë bashkisë kanë detyrimin e interpretimit të natyrës normative të aktit administrativ, procedurë e cila përcakton nëse akti administrativ që do të miratohet në Këshillin Bashkiak, do të verifikohet ose jo nga Prefekti i Qarkut Korçë, për përputhshmëri ligjore.

Akti nënligjor normativ është një nga mënyrat se si autoritetet e pushtetit shtetëror të ndryshme nga Kuvendi, rregullojnë me norma me karakter të përgjithshëm çështje të cilat ligji u ka njohur ushtrimin e pushtetit.

Bazuar në ligjin 44/2015 "Kodi i procedurës administrative", neni 3, pika 2 përcakton si vijon: "Akt normativ nënligjor" është çdo shprehje e vullnetit nga një organ publik, në ushtrimin e funksionit të tij publik, që rregullon një apo disa marrëdhënie juridike, duke vendosur rregulla të përgjithshme të sjelljes dhe nuk është i shteruar në zbatimin e tij.

Neni 3, pika 1, shkronja "a", e ligjit 44/2015 "Kodi i procedurës administrative", jep këtë përkufizim për "Aktin administrativ":

a) "**Akti administrativ individual**" është çdo shprehje e vullnetit nga organi publik, në ushtrimin e funksionit të tij publik, kundrejt një apo më shumë subjektsh të përcaktuara individualisht të së drejtës, i cili krijon, ndryshon ose shuan një marrëdhënie juridike konkrete;


b) "**Akti administrativ kolektiv**" është një shprehje e vullnetit nga organi publik, në ushtrimin e funksionit të tij publik, që i drejtohet një grupi subjektsh, anëtarët e të cilit janë të përcaktuar individualisht ose mund të përcaktohen individualisht mbi bazën e karakteristikave të përgjithshme, i cili krijon, ndryshon ose shuan një marrëdhënie juridike konkrete;

Akti normativ përcakton rregulla për një situatë abstrakte dhe që ju drejtohet një numri të pacaktuar subjektsh.

Në rastin e këtij projekt vendimi, gjykojmë se ai është një projekt-vendim i cili plotëson elementet e përcaktuar në nenin 3, pika 2 të ligjit 44/2015 "Kodi i procedurës administrative", pasi është një akt i nxjerrë nga një organ publik në ushtrim të funksionit të tij, i cili nuk është shteruar në zbatimin e tij dhe që me miratimin e tij do të sjellë pasoja juridike në dy njësitë administrative të Bashkisë Pogradec dhe kundrejt një numri të pacaktuar subjektsh.

Gjatë zbatimit të tij, ky projekt-vendim shtrin efektet në dy njësi administrative të Bashkisë Pogradec dhe për gjithë banorët e zonave.

Përfundimisht konkludojmë se: Akti administrativ është i natyrës normative dhe si i tillë kërkon verifikimin e përputhshmërisë ligjore nga Prefekti Qarkut Korçë, sipas ligjit.



**Ftojme Këshilltarët të votojnë këtë Projekt Vendim.
Faleminderit!**

Të dhënat e projekt vendimit:

Konceptoi: Mariano Tasellari

Taulant Fejzo

Miratoi: Paskalino Ziko

Konfirmoi: Dritan Babasuli

Përcaktoi dhe interpretoi karakterin e aktit juridik:

Jurist i D.P.K.ZH.T – së

**KRYETAR
ILIR XHAKOLLI**